

Ibidem.

Baronio tres

sunt inter Joan-

nem Machio-

tam, & Theo-

dosium; nempe

Dioscorus Juni-

or, & Timo-

theus, hæreti-

ci, & Asterius

orthodoxus sub

Justino. An.

519. & 521.

Euagrius Hist.

Eccl. lib. 4. c. 9.

Id. ibid. c. 11.

Id. ibid. cap. 36.

Id. l. 5. cap. 16.

Joannes (*Mela* dictus) sedem Episcopatus Alexandrini post Athanasium ob-

tinuit. Joanne mortuo, alter *Joannes* (cognomento *Machiota*) Episcopus Alexan-

driæ deligitur. Cum Justinianus solus totius Imperii gubernacula teneret, Episcopatum

Constantinopolitanum administravit Anthimius, Alexandrinum autem *Theo-*

dofus, qui uterque unam in Christo naturam inesse asseveravit. Ambo isti Episcopi, postquam Imperatoris mandatis se opponere, & Con-

cilii Chalcedonensis decreta repudiare coeperunt, suis ejecti sunt sedibus, &

in sede Alexandrina *Zoilus* constitutus. Quo mortuo, *Apollinarius* sedem illam capeffit.

In sedem verò Alexandrinam, Apollinario mortuo, *Joannes* successit; post

quem *Eulogius*.

NOTITIA PATRIARCHATUS ALEXANDRINI. ÆGYPTUS PRIMA.

ALEXANDRIA Ptol. lib. 4. cap. 5. totius Ægypti Metropolis, univer-
sique, ut diximus, orbis post Romam secunda civitas, nunc *Iscauderia*
Turcis dicitur, & *Alessandria* Italis. ¹ *Alexander* Alexandria Antistes sub-
scripsit Concilio Nicæno 1. *Timotheus* Constantinopolitano primo, & *Cyri-*
lus Ephesino.

² HERMOPOLIS parva Notitiæ antiquæ Græcæ. *Dracontius* ejus Episco-
pus dicitur apud Athanas. in Epistola ad Antiochenes, & *Esaïas* Concilio
Chalcedonensi subscripsit.

METELIS Ptol. ibid. *Rosetto* Italis, & *Raschit* Turcis. *Macarius* Mete-
litarum Antistes subscripsit Concilio Ephesino.

COPRITHIS Notitiæ antiquæ Græcæ, vulgò *Cana*. *Silvanus* Episcopus
Coprithidis in eodem Concilio legitur.

SAIS Ptol. ubi supra, vulgò *Sahid*. *Adelphius* Episcopus Saensis eidem Conc.
subscripsit, & *Paphnutius* Saeas apud D. Athanasium in Epist. ad Antiochen-
ses legitur.

LETUS Ptol. ibid. quæ Latonæ civitas Interpretibus, & Latopolis lib.
Conciliorum, *Derote* hodie dicitur. *Joannes* Episcopus Latopoleas in Con-
cilio Chalcedonensi nominatur.

NAUCRATIS Ptol. ibid. Naucratis dictæ Notitiæ. *Arpocraton* Episco-
pus Naucratis in Concilio Nicæno legitur, & ³ *Esaïas* in Chalcedonensi.

ANDROPOLIS Ptol. ibid. quæ Andromena, ut arbitror, Divo Athana-
sio in Epist. ad Antioch. in qua *Zoilus* ejus Episcopum legere est.

⁴ NICIUM Ptol. ubi supra, vulgò *Fuoa*. *Pulsaminon* Niciotorum civitatis
Episcopus subscripsit Concilio Chalcedonensi.

ONU.

NOTÆ LUCE HOLSTENII.

¹ *Alexander &c. Conc. Nic.*] cui successit S. Atha-
nasia celeberrimus Ecclesiæ Doctor.

² *Hermopolis parva*] Minor [*Not. ant. Græcæ.*]
Conon Hermopolitarum Episcopus, ad quem scrip-
serat Epistolam de poenitentia Dionysius Alexandri-
nus apud Eusebium hist. Eccles. lib. 6. cap. ult.

³ *Esaïas in Chalced.*] Idem subscripsit Synodica
Gennadii Tom. 1. Juris Græco-Rom.

⁴ *Nicium*] Niciæ [*Ptol. ubi sup.*] NIKIOT *Kαίου*
Steph. & Hierocli absolute NIKIOT. [*Pulsaminon &c.*]
Idem subscripsit Synodica Gennadii; ubi rectius
Πασάμινων Νικιωτῶν vocatur.